

Mansur Yunus

ISTIQLOLNING MANGU MAYOG‘I

She’rlar

Toshkent
«ADOLAT»
2015

UO'K: 821.512.133-1

KBK 84(5O')7

Yu-57

Yunus, Mansur. Istiqlolning mangu mayog'i: she'rlar; – Toshkent:
Adolat, 2015. – 40 b.

ISBN 978-9943-4542-0-0

UO'K: 821.512.133-1

KBK 84(5O')7

Iste'dodli shoir, jurnalist Mansur Yunusning she'rlari turli
kayfiyatda yozilgan bo'lsa-da, ularning barchasida oddiylik va
samimiylilikni ko'rasiz. U ko'nglidagi borini sodda va xalqona tilda baralla
kuylaydi. U qofiya yoki chiroyli o'xshatishlar qidirib yurmaydi, har
bir mavzuda ko'ngilga murojaat qiladi. Aziz kitobxon, bu ijodkorning
ko'ngil ash'orlari qalbingiz bilan do'stlashib ketishiga ishonamiz.

ISBN 978-9943-4542-0-0

© Mansur Yunus, 2015.

© O'zbekiston Respublikasi Adliya vazirligi
huzuridagi «Adolat» nashriyoti, 2015.

MANGU
QO'SHIQ

ISTIQLOL FARZANDLARI

Bizlar – ona Vatanning
Sevikli dilbandlari,
Go‘zal O‘zbekistonning
Istiqlol farzandlari.

Maqsadimiz ulug‘vor,
Kelajak qanotlari.
Yutuqlarga sazovor,
Barkamol avlodlari.

Yo‘limizda shamchiroq
Ustozlar saboqlari,
Qalbimizda yorqinroq
Yaxshilik savoblari.

Bizlar – mangu chamanning
Gullari, yaproqlari.
Ota-yu onamizning
Qalbda ko‘zmunchoqlari.

BAG'RINGDA OSMONIMIZ

Yurtim buyuk bayrog'i,
Hilpiraysan sollanib.
Baland bo'l, o'zbek ramzi
Kamalakdek tovlanib.

Sensan hur bo'stonimiz,
Bag'ringda osmonimiz.
Sen – ezgulik elchisi,
Nurli gulistonimiz.

Sarbon kabi bizlarni
Shonli yo'lga boshlaysan,
Ko'zga surtgaymiz abad,
Qalbimizda yashaysan.

Sen o'zbegim nomini
Jahon ichra taratding.
Kezib barcha yurtlarni,
Do'stlik yo'lin yaratding.

MANGU QO'SHIQ

Istiqlolning ishonchi,
Mangu qo'shiq – madhiyam.
Sen-la dillar quvonchli,
Mangu yasha, madhiyam.

Sen yangragan pallada
Qo'lim doim ko'ksimda,
Kuch bag'ishlab kuchimga
Sen yashaysan qalbimda.

Har tong madhiya yangrar,
Dillarga quvonch solib.
Har bir so'zi jarangdor,
Yashar yurakda qolib.

Seni kuylab baralla,
Doim mag'rur yuraman.
Sodiq farzanding bo'lib,
Safda mag'rur turaman.

O'ZBEGIM RAMZI

Gerbimsan, iftixorim,
O'zing o'zbegin ramzi.
Istiqlol nashidası,
O'zing millatim faxri.

Bag'ring bepoyon dala,
Rizqim paxta-yu g'alla.
Ezgulikka chorlaydi
Masrur humo qush yana.

Amu va Sir qanoti,
Bog'lari go'yo jannat.
Tiniq osmonu quyosh,
Har bittasi ming hikmat.

Sen muqaddas Vatanning
Qalbisan, yuragisan.
Sadoqatli insonlar
Orzusi, tilagisan.

ONA TILIM

Ona tilim, jonu dilim, vijdonim,
Sensan suyuk, sensan buyuk zabonim.
Beshikdanoq menga sirdosh do'stdirsan,
Sen baxtimsan, sen-la topdim jahonim.

Senda ulug' bobolarning so'zi bor,
Sensan o'zbek momolarning alyori.
Ona tilim, seni tanir bor jahon,
Sen-la buyuk allomalar asari.

Ona tilim, mangu yasha to abad,
Navoiyning dostonlari naqshisan.
O'zbek elim yuzisan, yuragisan,
Sohibqiron o'gitlari ramzisan.

Yo'llarimga nur taratgan ziyoSAN,
Yashayapsan onam aytgan allada.
Jon baxsh etib, jilo berib yashaysan
Ertak, doston, kuy, qo'shig'u yallaga.

VATAN O'G'LONLARI

Vatan chegarasida
Hushyor turar o'g'lonlar,
Ona yer har qarichin
Asragay bu posbonlar.

Ona yurt o'g'lonlari
Jasur, ziyrak, mard, oqil.
Yurtni asrar polvonlar
O'ktam, bardamu sofdir.

Tuprog'in ko'zga surtib,
To'tiyo aylagaydir.
Shu Vatan sarhadlarin
Avaylab-asragaydir.

Shu yurt bayrog'in tutib,
Doim olg'a yurishar.
Vatanga sodiq bo'lib,
Chegarada turishar.

O'ZBEK AYOLI

Dunyoning go'zalligi,
Navosi erur ayol.
Ikki olam jannatin
Sabosi erur ayol.

Hayo, ibo, nazokat,
Bordir o'zbek qizida.
Shirin kalom, saxovat
Bordir aytgan so'zida.

O'zbegin ayollarin
Allasi olam tutsin,
Barchasi bo'lishsin sog',
Orzu-maqsadga yetsin.

VAQTN
QADRLA

NURLI MASKANIM

Salom, nurli maskanim,
Salom, qadrdon do'stlar!
Salom, sirdosh kitoblar,
Bizni murodga eltar.

Salom, jonajon maskan,
Bizga qadrdon maskan.
Onamizdek muqaddas,
Aziz, mehribon maskan.

Seni intizor kudik,
Biz, birinchi qo'ng'iroq.
Maktab bag'riga keldik
Olaylik deya saboq.

Ziyo maskan, bog'ingda
Eng sara gullar terdim,
Bag'ringda ulg'ayib men
Sen-la kamolga yetdim.

MEHRIDARYO USTOZLAR

Mehringiz tafti cheksiz,
Mehridaryo ustozlar.
Har so'zingiz tabarruk,
Qalbga ziyo, ustozlar.

Sizning saboqlaringiz
Yuraklarga jo bo'lgay.
To'g'ri yo'l, katta hayot,
Betizgin daryo bo'lgay.

Bizlarni farzandim, deb
Hayot bergen ustozlar.
Dunyo ilmlaridan
Saboq bergen ustozlar.

Siz borsiz, qalbimizda
Tafakkur, ziyo bordir.
Siz borsiz, yo'limizda
Baxt, omad, zafar yordir.

SALOMLASHISH ODOBI

Quvnoq, zukko bolajon,
Doim yodingda tursin.
Keksa, yoshu hammaga
Avval saloming bo'lsin.

Salom berib uyg'otar
Bobo quyosh zaminni.
Yog'du sochib yoritar
Salomlashib oy tunni.

Hatto hol-ahvol so'rар
Mehnatkash chumoli ham.
Salom so'zi farz bo'lar,
U barchamizga hamdam.

Odobing-la o'rnak bo'l,
Tilda saloming bo'lsin.
Istiqlolga bo'l qanot,
Ko'ngling quvonchga to'lsin.

VAQTNI QADRLA

Bobom bizni erkalab,
Asal-qandim deydilar.
Quloq tuting gapimga,
Vaqt – bu oltin deydilar.

Bobojon, vaqt nimadir?
U – to‘xtamas uchqur ot.
Undan foydalan, bolam,
Maqsading qilib qanot.

O‘qi, izla, olim bo‘l,
Vaqting behuda bo‘lmas.
Vaqt qadriga yetmasga,
Bilingki, omad kulmas.

Bolam, vaqt daryo misol,
Oqib ketaveradi.
Hayot qadrini bilsang,
Omad kulaveradi.

NON AZIZ

U tanamizga darmon,
Uni yerga qo'yimagin,
Mazalidir shirmoy non,
E'zozla har ushog'in.

Onam yopgan shirin non
Dasturxonimiz ko'rki,
Kuzatsang, har kunimiz
Nonsiz o'tmas hattoki.

Shu sababli, do'stlarim,
Non yeb kuchga to'laman.
Uni sevib, ardoqlab,
Ko'zga surtib qo'yaman.

Ushog'in qilma uvol,
Non shirindir, non aziz.
U tiriklik manbai,
Uning bahosi tengsiz.

SO'Z QADRI

Har bir millat e'zozlab,
O'z ona tilin sevar.
Qadri hech tushmasin deb,
Ardoqlab, so'zlab yurar.

Do'stlarim, biz o'zbekning,
Mard o'g'il, gul qizimiz.
Uyda, ishda, ko'chada
Sof o'zbekcha so'zlaymiz.

So'zlamaymiz hech qachon
Qorishtirib tillarni,
Kamsitmaymiz hech qachon
Tilni buzib, ellarni.

Do'stim, so'zlasang faqat
Sof o'zbekcha so'zlagin.
Ona tilning qadrini
Har so'zingda o'ylagin.

YOT G'OYA

Yovuz niyat – yot g'oya,
Tinchlikka solar soya.
Elning yoshu qarisin
Mardlar qilar himoya.

Dinimiz niqob qilib,
Nopok reja tuzishar.
Ko'pni yo'ldan ozdirib,
Oqibat xor bo'lishar.

Do'stlar, biz kurashamiz,
Yot g'oyalarga qarshi.
Vatanparvar bo'ladi
Yurtning asl farzandi.

Biz milliy g'oyamizni
Qalbimizda asraymiz,
Targ'ib qilib ommaga,
To'g'ri yo'ldan qaytmaymiz!

BURCHING OQLA

Yuksak maqsadla yurgin,
Sog' o'sib, kuchga to'lgin,
Har ishda hushyor bo'lgin,
Farzandlik burching oqla.

Hurmat qilgin otangni,
Rozi qilgin onangni,
E'zozla do'st, yoringni,
Insonlik burching oqla.

Jasur, bir so'z inson bo'l,
Nomardlarga berma qo'l,
Tanla oliy maqsad yo'l,
Insonlik burching oqla.

Doim omading kulsin,
Qalbda iymoning bo'lsin,
Hayoting nurga to'lsin,
Farzandlik burching oqla.

OG'U BILAN O'YNASHMA

Unda yo'q ma'no, mantiq,
U bilan hech sirlashma,
Hayoting qo'yib xavfga
Og'u bilan o'ynashma.

Uzoq yashayin desang,
Og'u bilan do'stlashma.
Chin inson bo'lay desang,
Og'u bilan o'ynashma.

Avval u qo'lin tatar,
Hayoting barbod etar,
Bir umr kulib o'tar,
Og'u bilan o'ynashma.

Nomin tilga olmagan,
Yaxshi yo'ldan qolmagan,
Mehnat qilgin, tolmagan,
Og'u bilan o'ynashma.

INTERNET

Dunyo o'rgimchak to'ri –
Axborotlar makoni.
Do'stim, anglagin shuni,
Unda ham bor yomoni.

Dunyo bilan sirlashib,
Do'stlar orttirsang bo'lar.
Unda ko'p yomon illat,
Seni sehrlab qo'yay.

Qiziqtirib o'ziga,
U qalbingni muzlatar.
Ishontirib so'ziga,
Maqsadingdan chalg'itar.

Do'stim, so'zlarim tingla,
Internetni o'rgan, ho'p,
Behuda vaqt o'tkazib,
So'ngra afsus qilma ko'p.

KESMA SOCHINGNI

Qiynab omon boshingni,
O'zgartirib yoshingni,
Ochib qalam qoshingni,
Qizim, kesma sochingni.

Soch kesmagan Barchinoy,
Sochin qirqta o'rgan-ku.
To'maris ham, albatta,
Sochin asrab yurgan-ku!

Qizim, sochingni kesma,
Qirqta qilib o'rib yur.
Qirq kokilli qizlardek
O'zbekliging bilib tur.

Sen o'zbekning iboli
G'ururi timsolisan.
O'zbek elin hayosi,
Nomusisan, orisan.

TELEFON

Do'stim, sog' bo'lay desang,
U bilan hech do'stlashma,
Zarari ko'pdir bilsang,
Telefon-la sirlashma.

Ko'p o'ynab, ko'p ishlatsang,
Xotirang susaytirar.
Yoningda olib yotsang,
Kasallik ko'paytirar.

U tezkoru qulaydir,
Ermak qilib o'ynama.
Seni no'noq qilganda,
O'zingni ko'p qiynama.

Keraksiz o'yinlarni
Unga sira joylama,
Do'st bilib telefonni
Umring unga bog'lama.

Zarur holda ishlatsang,
Uzog'ing qilar yaqin.
U bilan ko'p o'ynasang,
Afsus qilarsan keyin.

TIL O'RGANU DUNYO KEZ

Til bilgan dunyo kezar,
Yalqovliklar unga yot.
Yuksalar, reja tuzar,
Bilimlar unga qanot.

Kezar ko'plab yurtlarni,
Ham ko'rар, ham o'rganar.
Orttirib ko'p do'stlarni
Boy tarixni o'rgatar.

Tinim bilmay izlanar,
Dunyoqarashi kengdir.
Unda fikru g'oyalar
Cheksiz, oltinga tengdir.

So'zlasholsang ko'p tilda
Yutqazmaysan, sababi
Til bilgan dil biladi,
Bu – davrning talabi.

BARKAMOL AVLOD

Bizlar o'zbekning asli
Gulu lolalarimiz.
Ulug' ajdodlar nasli,
Izdosh bolalarimiz.

Jonajon, hur o'lkaning
Kelajak qanotimiz,
Orzulari bir osmon
Barkamol avlodimiz.

Qalbimizning to'rida
Shu Vatanga mehr bor,
Biz – yoshlarning qo'lida
Kasb-hunar bor, ilm bor.

Biz oshamiz dovonlar,
Yurtga iftixor bo'lib.
Yashnatamiz shu elni,
Sog' o'sib, kuchga to'lib.

ISTIQLOLNING MANGU MAYOG'I

Vatan, sening nomingni
Doim kuya solaman.
Farzandlik burchin oqlab,
Senga sodiq qolaman.

Istiqlol – ulug‘ ne’mat,
Bobolarim orzusi.
Momolar duosida
Mangu ma’vo qolg‘usi.

Istiqlolim abadiy,
Ona yurt, bog‘ing chaman.
Sen suykli, yagona,
Ulug‘, muqaddas Vatan.

Sen buyuk, muqaddassan,
Sen – tingchlikning bayoti.
Yo‘lim yoritar mangu
Istiqlolning mayog‘i.

UYG‘OQ
QALB

O'ZLIK

Bolam, asling insondir,
Kimligingni unutma.
Seni asrar iymondir,
O'zligingni unutma.

Insonga xos ish qilgin,
O'zgadan umid kutma.
Haq yo'ldan olg'a yurgin,
Nomard izini tutma.

Bobolaring kim bo'lgan,
Ularni hech unutma.
Nopok, yomon insonlar
Yonidan aslo o'tma.

Sen mard, jasur o'g'lonsan,
Pok maqsading o'ksitma.
Sen o'zbeksan, polvonsan,
O'zligingni unutma.

YAXSHILIK

Yomonga keng dunyo tor,
Undan doim qilgin or,
Yaxshi xislat bo'lsin yor,
Yaxshilar yonida bo'l.

Yaxshilik bu – go'zallik,
Yaxshilik bu – ahillik,
Yaxhshilarni asraylik,
Yaxhshilar yonida bo'l.

Hayoting go'zal bo'lar,
Doim omading kular,
Dilingga mehr to'lar,
Yaxshilar yonida bo'l.

Do'stlar, qo'l berib qo'lga,
Chiqaylik yaxshi yo'lga.
Qaraylik o'ngga, so'lga,
Yaxshilar yonida yo'l!

CHEKISH – BEGONA ODAT

Biz – o'zbekning farzandi,
Bizdan yiroqdir illat.
Bizda ko'p orzu, maqsad,
Chekish – begona odat.

Ulg'ayib, shu Vatanda
Yuksak ishlar qilamiz.
Doim sog'lom hayotni
Eng yaqin do'st bilamiz.

Biz – istiqlol farzandi,
Kelajakka zo'r qanot.
Bizning qalbimizga yot,
Chekish – begona odat.

Biz – barkamol avlodmiz,
Jasur, polvon bo'lamiz.
Hamisha sog'lom yashab,
Ezgu ishlar qilamiz.

ENG XUNUK ISH

Dunyoda eng yomoni
O'zganing rizqin yeish.
Kechirilmas gunohdir,
O'g'rilik – eng xunuk ish.

Har kimning o'z rizqi bor,
O'g'rilik – yomon illat,
O'g'ri odam boshiga
Tushadi ko'plab kulfat.

Mehnat qilib, halol ye,
O'g'rilik qilmagin hech.
Bu odatga o'rgansang,
Pushaymoning bo'lar kech.

O'g'rilik nopok ishdir,
Yegan oshing tatimas.
Boshingga tushib tashvish,
Omadling sira kulmas.

UYG‘OQ QALB

Bugun buyuk o‘tmishni
Xotirlaymiz, do‘sralim.
Kimlar bor, kimlar yo‘qdir,
Diydor yarim, tun yarim.

Xotira bor qalb uyg‘oq,
U go‘yoki tiriklik.
Xotirasiz har odam
O‘tmishiga yo‘q ko‘prik.

Yurt uchun jon berganlarni
Xotirlaymiz har bir kun.
Pok ruhiga takbir aytib,
Qadrlaymiz har bir kun.

OTASHIN QALB

Erku muhabbat kuyin
Kuylab o'tdi Muhammad,
Chin insoniy qissani
So'ylab o'tdi Muhammad.

Ona-Vatan madhini
Jo'shib kuyladi shoir,
Xalqning buyuk dardini
Qo'shib kuyladi shoir.

Andijonlik mard o'g'lon
Tengsiz edi, tanti edi.
Otashin qalb, ustoz shoir
Chin o'zbek farzandi edi.

Kapalakjon, mehribonim,
Qizg'aldoqning qo'lidan tut.
Marhamatga shoshilib uch,
Muhammadni ziyorat et.

BOLAJON O'ZBEGIM

Dunyoning shodligi, quvonchi farzand,
Otalar izdoshi, ishonchi farzand.
Olamni tutadi uning kulgusi,
Mehribon onalar dilbandi – farzand.

Ular ko'zimizning oqu qorasi,
Dillarni yashnatib bolalar kulsin.
Bu jajji qalblarga kelar havasim,
Bolajon o'zbegin, bolang ko'p bo'lsin!

Quvnoq kulgusidan olam shodlanar,
Otalar sevinchi unga bog'lanar.
Dunyoni to'ldirsin ular kulgusi,
Mehrning mevasi – aziz bolalar.

SUV AZIZ, OBIHAYOT

U tiriklik yuragi,
Hammaga bor keragi,
Tabiatning tilagi,
Suv – aziz, obihayot.

Yaratganning in’omi,
Har tomchisi azizdir.
U hayotning davomi,
U bebahoh, lazizdir.

Suv bilan tirik hayot,
Suv bilan go’zal olam.
U tirik jonga najot,
Suv borki, yashar odam.

Tog’lardan oqib tushar
Shaffof, shirin, zilol suv.
Hayot ramzi, aslida
Butun baxtu iqbol – suv!

NON – TANGA DARMON

Dunyoda eng lazzatli,
Tanga darmon shirmoy non.
Hammaga u hurmatli,
Obi non – rohatijon.

Bobolarim e'zozlab,
Peshonasidan o'pgan,
Shu nonga yetish uchun
Mehnat qilgan, ter to'kkon.

Nonning ushog'i ham non,
Me'daga hech urmaydi.
Bu aziz ne'matsiz hech
Bir kunimiz o'tmaydi.

Oftobdayin tandirda
Yopiladi shirin non.
U dasturxon to'rida
Bo'lar hamisha mehmon.

JONAJON MAKTAB

Jarangla, qo'ng'irog'im,
Jaranglasin ovozing.
Xayr, jonajon maktab,
Unutmaymiz hush sozing.

Ko'zda nam, dilda quvonch,
Balalik tez, shoshqaloq.
Bugun jaranglar, do'stim,
Bizga so'nggi qo'ng'iroq.

Xayrlashgim yo'q sira,
Qadrdon maktab bilan.
Doim quchog'i ochiq
Mehribon maktab bilan.

Ziyo topdim bag'ringda,
Yurak to'la maqsadim.
Katta yo'lga chiqyapman,
Hush qol endi, maktabim.

SHUKRONA AYTING

Shu Vatanning borligiga,
Qalbga Alloh yorligiga,
Yomonga yo'l torligiga,
Shukrona aytинг, do'stlar.

Osuda tun botishiga,
Farahbaxsh tong otishiga,
Dilda mehr yoqishiga,
Shukrona aytинг, do'stlar.

Tanimiz sog'-salomat,
Yiroq bo'lsin nadomat,
Qilmang sira xiyonat,
Shukrona aytинг, do'stlar.

Rizqi but, suyuklikka,
Insonlik – buyuklikka,
Avvalo tiriklikka
Shukrona aytинг, do'stlar.

Mundarija

MANGU QO'SHIQ	3
ISTIQLOL FARZANDLARI	4
BAG'RINGDA OSMONIMIZ.....	5
MANGU QO'SHIQ	6
O'ZBEGIM RAMZI	7
ONA TILIM	8
VATAN O'G'LONLARI	9
O'ZBEK AYOLI	10
VAQTNI QADRLA	11
NURLI MASKANIM	12
MEHRIDARYO USTOZLAR.....	13
SALOMLASHISH ODOBI.....	14
VAQTNI QADRLA	15
NON AZIZ	16
SO'Z QADRI	17
YOT G'OYA	18
BURCHING OQLA	19
OG'U BILAN O'YNASHMA	20
INTERNET	21
KESMA SOCHINGNI	22
TELEFON	23
TIL O'RGANU DUNYONI KEZ.....	24
BARKAMOL AVLOD	25
ISTIQLOLNING MANGU MAYO' GI	26
UYG'OOQ QALB	27
O'ZLIK	28
YAXSHILIK	29
CHEKISH – BEGONA ODAT	30
ENG XUNUK ISH	31
UYG'OOQ QALB	32
OTASHIN QALB	33
BOLAJON O'ZBEGIM.....	34
SUV AZIZ, OBIHAYOT	35
NON – TANGA DARMON.....	36
JONAJON MAKTAB	37
SHUKRONA AYTING.....	38

Mansur Yunus
ISTIQLOLNING MANGU MAYOG‘I

Muharrirlar:	A. Omonov, G. Ortiqxo‘jayeva
Texnik muharrir:	A. Ahmedov
Kompyuterda sahifalovchi:	Sh. Rasulov

O‘zbekiston Respublikasi Adliya vazirligi huzuridagi
«Adolat» nashriyoti. Nashr. lis. AI № 228, 16.11.2012.
100192, Toshkent shahri, Buyuk Turon ko‘chasi, 41-uy.
Telefon: (371) 268-28-41, 268-28-56.
Faks: (371) 268-28-43, 268-28-57.
Veb sayt: www.adolatnashr.uz
e-mail: info@adolatnashr.uz

Bosishga ruxsat etildi 01.10.2015-y.
Qog‘oz bichimi 84x108 $\frac{1}{32}$, «Sylfean» garniturasi.
Ofset usulida chop etildi. Bosma tabog‘i 1,25.
Nashriyot hisob tabog‘i 3,05. Adadi 50 nusxa.
....buyurtma. Narxi shartnoma asosida.

«Print Line Group» XK bosmaxonasida chop etildi.
Toshkent sh., Chilonzor tumani,
Bunyodkor shoh ko‘chasi, 44-uy.